

REZIMEI PODRŽANIH BIZNIS IDEJA

Kroz Javni poziv Fonda za poduzetništvo objavljen 17. avgusta 2023.

Naziv biznisa: Centar zdravlja „Zdravlje Pharm“

Djelatnost: Specijalizirana trgovina ortopedskim pomagalicama i medicinskim sredstvima

Ideja za pokretanje biznisa Centar zdravlja „Zdravlje Pharm“ nastala je kroz istraživanje tržišta, te ekspertizu i iskustvo kandidata. Tržište ortopedskih pomagala u BiH iznosi oko 300 miliona, dok tržište kozmetike i ljepote iznosi oko 200 miliona. I jedno i drugo tržište su u porastu. Ideja je da se pacijentima zaokruži ponuda usluge i proizvoda na jednom mjestu, vezano za ortopedska pomagala, kozmetiku i dodatke ishrani. Preduzeće se bavi proizvodnjom ortopedskih uložaka, proteza, profesionalnom analizom kože lica i vlasišta, a pored proizvodnje pacijenti su u prilici u centru kupiti dodatke ishrani, kozmetiku shodno njihovom stanju kože lica kao i potrebna ortopedska pomagala. Preduzeće ima ugovor sa Zavodom zdravstvenog osiguranja tako da pacijenti mogu ostvarivati svoja prava i kroz potvrde Zavoda za indikacije koje su zakonom definisane. Centar će imati i online trgovinu.

Naziv biznisa: Sportska oprema „Winner“

Djelatnost: Proizvodnja sportskih tekstilnih proizvoda

Taib je registrovao biznis 26. 11. 2023. godine kao obrt. Sportska oprema WINNER bavi se proizvodnjom sportske opreme za sportske klubove. Još kao aktivni fudbaler Taib je uvidio problem naših klubova, gdje dosta klubova trenira, putuje na utakmice u različitoj opremi, pa se znalo odgledati utakmica gdje ekipa nije jednoobrazno obučena. Nakon togaje vidio svoju poslovnu priliku i počeo sa analizom moguće konkurencije i širinom tržišta. Analizom konkurencije je došao do saznanja da Bosna i Hercegovina nema veliki broj firmi sa djelatnošću proizvodnje sportske opreme, a tržište je ogromno. Klubovi u kojima je igrao znali su čekati i po 3 mjeseca da dobiju svoju kompletnu opremu jer firme koje proizvode tu opremu ne mogu da dostignu tu brzinu gdje bi rok isporuke bio 21. dan koji je prihvatljiv. Nakon toga Taib je napravio analizu dobavljača, gdje je pronašao nekoliko velikih firmi koji rade sa repromaterijalom za ovaj posao. Poslije je analizirao pod kojim poslovno-pravnim oblikom mogu da poslujem i odluka je pala na Obrtničku djelatnost. Poslije nekoliko mjeseci istraživanja i saznanja dolazi od ideje do realizacije otvaranja firme sa sjedištem u Živinicama, gdje gradi svoj brend pod nazivom „WINNER“. O. R SPORTSKA OPREMA WINNER trenutno pored lasnika zapošljava još 4 radnika na poslovima krojenja i šivenja proizvoda. Poslovne aktivnosti trenutno se odvijaju na teritoriji Bosne i Hercegovine, ali već naredne godine u planu i izvoza. Proizvodi WINNERa trenutno su namijenjeni sportskim klubovima i udruženjima i firmama. Nude proizvode kao što su: trenerke, dresovi, šorcevi, jakne, šušlavci.

Naziv biznisa: Prirodna kozmetika „Norah Shine“

Djelatnost: Proizvodnja sapuna i deterdženata, sredstava za čišćenje i poliranje

Ideja o osnivanju preduzeća „Norah Shine“ nastala je kao rezultat osviještenosti poduzetnice o djelovanju prirodne kozmetike, te dolasku trenda iste na područje Bosne i Hercegovine. Trenutno najveći trend u njezi kože naziva se „clean beauty“, odnosno čista ljepota, što pokazuje da se sve više krećemo u smijeru prirode što se tiče njegovanja tijela i kože. Istraživanja pokazuju da je prirodna kozmetika suvremeni tržišni trend koji raste i za koji se odlučuje sve više potrošača, te će iz tog razloga Norah Shine nuditi nekoliko vrsta



sapuna, piling za tijelo, puter za tijelo, balzam za usne, svijeće od sojinog voska te razne aranžmane od sapuna. Preduzeće je registrovano kao dodatna djelatnost, no planirano je proširiti nakon nekoliko godina djelatnost i preregistrovati u doo zbog proširenje i zaposlenja dodatnih radnika. Preduzeće trenutno ima jednu zaposlenu osobu, već uključenu u proizvodnji i upoznatu sa procesom izrade.

Naziv biznisa: Kozmetički salon "Perfect skin"

Djelatnost: Obrtnička radnja / kozmetički salon

Obrt je fokusiran na pružanje usuga tretmana lica i tijela kao što su tretmani lica, medicinski pedikir i manikir, depilacija voskom, depilacija šećernom pastom, relax masaža itd. Salon nudi usluge koje jako malo salona pruža kao što su depilacija šećernom pastom, medicinski pedikir i manikir i tretmani lica. Pored pružanja usluga uljepšavanja, rješavanja problema kože i noktiju, salon će razvijati lifestyle programe temeljene na holističkom pristupu za sve koji žele uživati u ljepoti i zdravlju.

Naziv biznisa: Poljoprivredna apoteka "Agro Košnica d.o.o."

Djelatnost: Poljoprivredna apoteka uz savjetovalište

Poljoprivredna apoteka „Agro Košnica“ osnovana je 20.09.2023. godine od strane kandidatkinje. Kandidatkinja je do momenta osnivanja napisala dva poslovna plana i detaljno razradila ideju koju je imala od početka samog studija do tada, te je ovo treći poslovni plan a ujedno i prvi nakon što je pokrenula biznis. Ideja o samom biznisu i pokretanju poljoprivredne apoteke sa savjetovalištem nastala je sa ljubavi prema biljkama, različitim voćnim sortama koje mogu uspijevati na našem podnevlju. Obzirom da Bosna i Hercegovina ima preko 60% neobrađene zemljišne površine, ona predstavlja veliki potencijal za moguću obradu zemlje. Dugoročni cilj ove firme je podianje svijesti o prednostima i visokim mogućnostima koje možemo postići obradom zemljišta. U cilju povećanja broja stanovništva koji se bavi poljoprivrednom, Agro Košnica planira održavati redovna savjetovališta i edukacije o pravilnim načinima sjetve, sadnje, kao i apliciranja pesticida i mineralnih đubriva.

Naziv biznisa: „Continentta agencija, d.o.o.“

Djelatnost: Putnička agencija

Ideja za pokretanje posla se javila za vrijeme boravka u Emiratima (kandidatkinja je boravila tamo cca.1,5 godinu), gdje je ostvarila kontakte sa potencijalnim partnerima sa kojima planira sarađivati u daljem razvoju biznisa. Plan je da agencija nudi sveobuhvatne usluge putovanja, od rezervacije hotela, organizacije, prijevoza, te drugih usluga prilagođenim individualnim potrebama, kroz ponudu paket aranžmana (turističkih i vjerskih), B2B usluga kompanijama za njihove saradnike i članove i sl.

Naziv ideje: Centar za održavanje i njegu tijela „Fizio Centar Relaxatio“

Djelatnost: Obrt s fokusom na njegu i održavanje tijela

Fizio Centar Relaxatio registrovan je u aprilu 2023. godine, a sa radom počeo u julu iste godine. Biznis je registrovan kao obrtnička djelatnost s fokusom na njegu i održavanje tijela. Glavne usluge obuhvaćaju masažu, hidžamu i kineziterapiju za sportiste, starije osobe ali i za djecu. Kandidat je po struci fizioterapeutski tehničar. U početnoj fazi poslovanja planirano je da Relaxatio bude studio za hidžamu i masažu, međutim vrlo brzo se proširuje spektar usluga uvođenjem kineziterapije kao usluge starijim licima u programu postoperativne terapije, te sportistima u cilju sprečavanja i liječenja povreda. Kandidat zbog togoplanira dodatno prilagoditi prostor i nadograditi znanja kako bi u budućnosti pružali najkvalitetnije



usluge kineziterapije, sa posebnim fokusom na djecu uzrasta od 1 do 18 godina u cilju prevenciju i liječenje deformiteta i drugih fizičkih ograničenja..

Naziv biznisa: "FARMA KOZA" Sižje

Djelatnost: Domaća radinost

Kandidat je registrovao biznis kao domaću radinost, pod nazivom „Farma koza“, 18.09.2023. godine. Farma koza se bavi uzgojem koza i proizvodnjom 100% čistog domaćeg nepasterizovanog mlijeka i mliječnih proizvoda, mesa i loja, te prodajom domaćih proizvoda od voća i povrća uzgojenog na tradicionalan način, bez pesticida i hemije. Biznis “Farma koza” nastao je iz tradicionalnog porodičnog gazdinstva, sa dugogodišnjom tradicijom bavljenja stočarstvom i ratarstvom. Kandidat je prepoznao koliki je značaj zdrave ishrane, te da je tržište zdrave, organske hrane u stalnom razvoju, jer potražnja za takvim proizvodima konstantno raste. Vizija kandidata je da „Farma koza“ bude prepoznatljiv brend kao kompanija koja proizvodi isključivo domaću/organsku zdravu hranu i piće izuzetnog kvaliteta koje će zadovoljiti zdravstvene i gurmanske potrebe korisnika.

Naziv biznisa: "Ademir Dizajn" - specijalizirane dizajnerske djelatnosti

Djelatnost: Specijalizirane dizajnerske djelatnosti iz oblasti interijera i eksterijera

Kandidat je registrovao biznis „Ademir Dizajn“ u augustu, 2023. godine. Biznis je registrovan kao obrt. Glavne usluge koje biznis nudi su specijalizirane dizajnerske djelatnosti iz oblasti interijera i eksterijera. Poslovni poduhvat „Ademir Dizajn“ je kompanija koja nudi usluge dizajna i vizualizacije prostora. Trenutni klijenti su uglavnom fizička lica koja renoviraju ili opremaju stan u novogradnji, te im je potrebno dizajniranje stana u skladu sa njihovim potrebama i željama, a koje će biti savremeno, funkcionalno i estetski privlačno. Pored fizičkih lica, ciljna skupina su i pravna lica za što će biti neophodno da kompanija poboljša i nabavi kvalitetniju opremu za vizualizaciju. Ademir dizajn se u potpunosti posvećuje klijentima, te dizajn personalizira i prilagođava onima koji će u njemu boraviti. Pored toga, korištenjem najsavremenijih programa za izradu 3d vizuala, kompanija nudi 3d prikaz vrhunskog kvaliteta u 4k rezoluciji.